


叢書集成續編 第一三六冊目錄

文學類



詩文別集——金元

金華黃先生文集四十三卷·····	元	黃潛撰	續金華	一
柳待制文集二十卷附錄一卷·····	元	柳貫撰	續金華	三七一
江月松風集十二卷補遺一卷文錄一卷附錄一卷·····	元	錢惟善撰	武林往哲	五六一
圭塘小橋十三卷別集二卷附錄一卷續集一卷附錄一卷·····	元	許有壬撰	三怡堂	六二三

金華黃
先生文
集

表勵準



甲春康宗校
子永胡榭鋟

黃學士文集序

翰林侍講學士金華黃先生文集總四十三卷其初宴三卷則未第時作監察御史臨川危素所編次續彙四十卷則皆登第後作門人王生宋生所編次也先生之文章剗剗淩雪如明珠白璧藉以纓綺讀之者但見其光瑩而含蓄華縟而粹溫令人愛玩歎息之不已而不知其致力之勤用心之苦也故其見諸朝廷簡冊之紀載山林泉石之詠誦無不各得其體而極其趣以自成一家之言不既甚盛矣乎余嘗論之文章與世運同爲盛衰或百年或數十年輒一見焉先生當科目久廢之餘文治復興之日得大肆力於爲己之學以擅名于海內雖其超見卓識有以異於人其亦適值世運之一盛也耶譬諸山川之風氣草木之花實息者必復悴者必榮蓋亦理執之必然者夫豈偶然而已哉先生領延祐甲寅鄉薦先文靖公實爲考官於師泰有契家之好其後同居史館又同侍經筵文誼爲尤篤比廉問閩南過金華得先生之集於王生故敘而授之三山學官俾刻梓以

黃學士文集序

夢選

惠來學先生登進士第授將仕郎台州寧海縣丞歷石堰塲監運諸暨州判官浮沈州縣幾二十年始入翰林應奉文字尋丁外艱服除改國子博士居六年以太夫人春秋高乞外補遂提舉江湖儒學年六十有四竟辭祿歸養以中順大夫秘書少監致仕及終太夫人喪年已踰七十矣復被召爲翰林直學士兼經筵官陞侍講學士中奉大夫同知經筵事數告老不許久廼得謝去今年七十又九猶康強善飲啖援筆騁馳如壯歲云至正十五年十月既望朝散大夫福建閩海道肅政廉訪使宣城貢師泰序

讀忠簡宗公遺事

公初起淫陽艱危屬多壘然國家意委身干戈襄陽廳卷翠華朔雪被南紀悠悠虞淵日力盡揮不止寅恭秉齋鉞際會開朱耶長安付馮異漢業中興始宮庭數汎掃蹕路無荆棘心望變與感激涕如水上表方出師嗚呼孔明死晏安不可懷肉食母乃鄙巨舟竟未焚三語猶在耳蕭然舊祠下碧草垂階凡登堂挹光儀赤舄仍凡几千年墮淚碑一夫敢殘毀傳家有遺書敘事非虛美助誠慎失墜庶以裨信史

陪諸老夜飲

世故不可料忽若浮雲移生今百年內顛倒殊懽懽悲願惟我與公異代同一時覽古既深慨撫今亦餘噫長川去悠悠青山暮委蛇向來遠道意我行方遲遲噉哉有志士卒歲恆寒飢况復託渺茫欲與千載期盈虛信天運廢興豈人為願公姑舍是一觴聊可持

曉行湖上

黃學士文集卷一

三

曉行重湖上旭日青林半霧露寒未除鳬鷺靜初散黃綠際餘景閃倏多遺玩會心乍有得撫已還成歎夙子丹霞約久茲芳洲畔獨往願易遠離居歲方換沙隨芷芽動春遠川華亂存期乃寂寞取適豈爛漫小隱倘見招漁樵共昏旦

西峴峰

層雲抱春岑急瀨嵌巖竇修蹊入窈窕衆綠蔚以茂名亭標水樂柱折荒碑仆幽尋得縹緲亂石扶結構青精午堪飯碧澗寒可漱平生慕真賞及此成解后冥探指絕頂有路忽通透綠蘿度蒙密翠氣濕衣袖寄身萬物中下睨人寰腹清謳雅風竹大嚼落巖狹東峰在眉睫可望不可就同遊却何時瑞草春已秀

夜興三首

秋氣入病骨殘夢驚然驚芭蕉葉間露風過皆成聲攬衣欲窺內搔首天河橫枕蟲語不休中宵誰汝令孤鴻亦何苦犯霜度微明悠悠念變動百感忽我并大化倘不爾吾其免營營

寒星挂疎林夜色翳餘暝雞聲驅行客出門路方永亦有山中人熟睡方未醒而我立於獨婆娑玩光景一笑天宇青此意君自領舉頭見殘月葉脫知深秋今我曷不樂歲月如驚鷗常憐古志士辛苦歌飯牛空山夜漫漫政合秉燭遊臨風振吾衣蕭瑟不得留小立殊復佳澗水鳴幽幽

陳生詩

陳生少也孤秉志何軒軒讀書奉慈母承顏郁春溫兀然處膝下不問晨與昏叢叢萬井中陳生深閨門彈彈百花生時陳生不窺園常恐去左右或乖覆育恩一朝抱長痛飛霜墮秋萱鹽酪不入口日夜涕飢盆欲娶弗及喪矢言終不替尙賴百歲後兄子父所孫朝來遊子衣忽逐東風翻世方醉糟粕何庸薦犧尊陳生願謂我是事安足論辛託山水窟放情詠蘭蓀嗟今學步者觸險爭飛奔願爾利鋤鏤深窟六籍根願爾進竿塲高派百聖源源長流自遠根大枝乃蕃勿搖崔嵬筆誇作碑碑言即惟孝與弟百行茲其元咄哉行勿休日月方

黃學士文集卷一

四

法云贈言豈子致情真覺辭繁匪為陳生榮庶感薄俗敦

述懷

端居有多感求志無餘營夙違金門路緬愛丹丘名謬忝君子願捧身廁羣英卑栖念遠引窘步迷先征倪默敦宿尚低徊阻平生伏枕劬中夜攬衣寄遐情上天廓澄穆列宿揚光晶俯視林木改仰悲鴻雁鳴跂予秉微素十年守柴荆希世乖近務慕隱餘衣誠願言良時晚庶保幽人貞

寄方子踐子發

窮居悵無迷徂歲肆載陰飛翹隕芳華候蛩厲哀音會展扇蕭薄泣露柏喬林撫景慨往古端操思繼今折蘭問幽佩解纓濯清潯石林智意倩桂栢鬱蕭森遺世豈余敢匡時非我任覽已謝高執卽事念所欽緇緇阻道里緬遐眺崗岑委懷紆芳訊貽好在規箴

寄俞子易

問居寡歡像枉駕忻周旋清言適修夜朱火銷餘燭結會良不易鬱

抱簪所宜揆余微業春冬屢徂運著微忙往昔馳芳謝時賢瞻故
企三益揮袂增慨然秋淒且厲郊圻曠阡陌振騰捲飛蓬積霧迷
還川契濶歲復流瞻望情所牽存期勿奪輶仁庶不嗟紫芝無新
曲白駒有遺篇失心迷招要贈言比芳荃

東園晚歸

澳忍嬰近務超遙愛佳辰與言望東菑良苗諒津津郡人昧時趨曠
途夙所遵幸達符組累稍欣田園隣兀兀登故畦悠悠眺城闕理穢
出新竹撼枯落荆薪夕日逗遠川餘暉散衣巾壺壺觀物變依依念
農人渠渠長者言惻惻非賤貧

送凌吉叟杭州教授

浙水西入州維杭實名都古來萬人海逐逐無賢愚况茲百年後淳
朴古不如翩翩誰家兒白馬駟路隅春風樊樓醉一笑百斛珠亦有
朱門家齊謳間吳飲綃綺散煙霧縹緲被僮奴可憐彼蚩蚩久爲紅
塵驅顏俗如波瀾孰障羣流趨又如敗屋壁風雨須人扶博士非冗

黃學士文集卷一

五
夢
選
虞

官豈卽無良圖當令歌舞場化作弦誦區行矣徇所務辭章信其餘
春風參別衣晴沙秀寒蘆何以贈行白雲不可呼聊持狂者言用
比貂襜褕

送朱仲山之京

騏驎出渥洼意欲周八極芻豢豈不多未便甘伏檻念君抱耿耿坐
視暄涼易忽辭白髮親去作青雲客應恐鄧仲華笑爾長寂寂鄙人
屬有念未辦經世策青燈雨如綫窮巷方偏仄懸知操斧斤不必覲
樗櫟往哉布汝懷庶用副前席勿云萬戶侯自可談笑覓百年滔滔
內歧路足南北出處會有爲聚散奚暇惜歌我辛苦詞送子遠行役
崢嶸壯士志慘澹遊子色那無平生期慎爾保金石莫將賈生淚先
爲離別滴

贈葉審言別

昔人稱好士乃有黃金臺黃金亦何物顧用驕賢才葉君被短褐志
力何雄哉北斗叫閭闔紅雲指崔嵬終然無苟售自保同嬰孩車服

非吾榮黃金直浮埃十年今何官茅屋歌蒼苔豈無琅玕樹鳳飛故
低徊一朝脫身去款觀雲路閑葉君善自愛往矣無嫌猜迷邦古所
訥豈弟貴不回願言吐奇骨落落排風雷尙念窮賤者衡門守蒿萊

舟中偶書

我舟合江潯水清石領領念此殊可嬉如何有行役沙頭白髮翁捫
蝨了晨夕茅茨入九楮終歲閱過客

曉望

城頭鷄鳴曙起坐理冠幘開窗寫遙望煙霧竟川澤喧喧市聲動漠
漠井氣白如何山中人歲莫塵埃客

晚泊釣臺下

六
夢
選
虞

登鍾山最高頂以三山半落青天外爲韻得天字

四山環一水遺臺故嶺屹那無漁樵居政復不敢安舍舟衝微雨憑
軒俯清灣念昔乘興來無從寄遊觀今我有行役乃爾容躋攀山靈
豈愛我爲解塵土顏落日莫蘋藻清風聞珮環幽尋不可極林暝吾
當還却去望層碧孤舟生晚寒

休日集于城南

投耒從遠遊牽世乖明略豈不有簡書未能置丘壑崇崗近盤互春
物紛照灼休沐集諸彥迂趾惠前諾稍空林中尊復詠霞上作迢迢
歷墟壠靡靡瞰城郭修楊蔭晴渚野櫻散朱萼撫時悼推斥畢景願
栖託損益向子明才能賈生薄隱言觀歲寒無將魏塲壑

卜忠貞公墓

江左失其御強臣玩天誅歡娛一以乖狂獗無趨趙黃屋播草野形
庭交劍及事權始誰秉捧手如奔狐偉茲百世士死與二子俱孤哀

耿未沫足以孚豚魚義旗東指白日開天衛執最撥亂功之人或
其徒伊昔大雅廢清言鄙文儒禾黍已橫委衣冠尙舒徐屹然見砥
柱獨障狂瀾趨高風迎難攀捐生乃區區青簡煥遺烈蒼榛閱幽墟
日夕悲吹多天高年運徂世方用飢餓猶將愧立虛江濤渺在望雪
涕空漣如

制使馬公祠堂

朔風破滄溟白浪無餘地可憐甘棠樹乃爾能蔽芾借問誰所遺馬
公古能吏當年印纍纍庶務劇于蠅藏龜不待灼騁駿無留轡偏仄
兵馬區區藹然承平意晏安亦聊爾國步方不易至尊人嘗膽壯士類
烈皆煌煌青冥鉞可同牛刀試嗚呼豪俊人竟偃風雲志致身豈云
卑生世已其季安知穎川守遂非廟堂器嚴祠閑寂寥古木含蒼翠
平生瓣香祝毋迺兒女事如何百載下能墮看碑淚永惟茂陵翁苦
心抱天藝力耘宜有收龜勉觀來裔渠渠桑梓恭喋喋市井議庶哉
瞻前修樹德毋自畏

黃學士文集卷一

七

送人赴廬陽學官

播非人所居潭陽實其隣荒淫雜巫鬼哀怨餘騷臣念子有行役水
陸彌數旬乃知阜比座竹承文翰賓遐徵指天末男邦控城閭俎豆
當在列冠裳定來臻足明理化盛演溢周窮垠廣陌望八荒出車日
麟麟變荆孰無適忠信惟書紳簡書有程期取別無途巡揚鑣觸炎
熱振鐸驚遠人沅水春蕩潏楚峰暮嶙峋行行慎其度離別何苦辛

發金陵留別一二同志

盛名不易居直道我所遵雖枉嘉遯志未渝白圭言罷釣出滄海翅
帆迴江濱城閭遠滅沒風水屢崩奔蕭條故交地愴悵遊子魂始雷
茂陽澤孤生限窮鱗沉翔自殊勢衰榮實同根戰勝物可遺目擊道
已存乘桴詎無取絕弦難具論寄言同心子毋徒念加餐

龍灣夜泊

乘潮出遠浦日暮北風平高亭不可望遙遙鼓笳聲月明寒鴈下江
空夕煙生非關川途念沉憂坐自盈

敬亭山

昔窺謝公作今陟敬亭寺微素析始遊賞勝資深詣脩條綠水木宛
宛交蹊術絲綉澗草豐幽蹊松馳駛微鍾響省障高閣浮花氣熏
旂檀妙豈愛巖壑媚憑生實內暢即事多冥契息陰曉粉頰芳懷
芝桂海岳期屢遷石林路深閤經營乖道要迫窄餘物累稽首調御
尊尙飲無生惠

宿雲黃山作

束髮弄文史挂席去瀛嶠解后乖良會擯落迫茲年息景念生理洗
心賓象筵恭維上皇代異人秘靈詮宗師既逾海茲山亦棲賢金棺
滅雙樹寶篋絨絨紅蓮仰窺攝誘功信知願力堅內愧實非薄冥通未
精專褰裳碧峰雨焚香石林煙絲翠何紛紛苔澗窅澗沿尋幽匪外
適藹真冀重宣二邊離有無五濁空腥膻豈伊俄頃用庶謝平生緣

重登雲黃山

茲山實靈奇吐納變舒慘太常闕弗錄名號何黠黠重華秩山川盛

黃學士文集卷一

八

典軼封碣蒐遺修綸綽綽羅醜醜腐儒世所貧薄藝守鉛槧無能
旅駿奔徒取肆遊覽霖潦時始收天地餘藹風光乍璘璘石狀終
點黠行行恣芒屨往往得佳句冒進誠近貪自畫將豈敢久之零埃
豁秀色坐可攬青瑩揮鋒鏘翕翕翹披菡萏岸奔馬駢駢石踞虎眈眈
高尋指天路幽巖極立督前行幾台背後或兩髦髯綠綵崗既蹕蹕登
嶺仍輒輟舉頭塔廟涌地平忽如登天人所食息瑤玑化餘樵林輝
寶燈燒風語金鐸撼敗壁詩者誰清墨亂濃淡險盡乃更佳疲極復
何憾是節蕤賓初野薦首昌歆煮瀑茶可啜剖石蜜堪嗽名談析毫
髮苦語瀝肝膽理冥心自珍機湊首展領陽鳥若西翥眾色齊慘澹
崔嵬識嶺楠蒼莽辨葭莩莫投僧所賃鐘鐃鼓統統羣居肅不異共
飲聲有噴迴睨夸奪場撫事叢百感趨名蛾赴燭逐利魚投糝何時
脫火宅霍若毳去領綺言息誦誦妙供紛醺醺於焉寄相羊庶以忘
坎壈誰云入道苦餘味需橄欖

秋夜觀書作

卷之四 司馬司馬學難爲功春言思古人幽懷極中神秉燭起中夜攬
卷之五 卷之六 卷之七 卷之八 卷之九 卷之十 卷之十一 卷之十二 卷之十三 卷之十四 卷之十五 卷之十六 卷之十七 卷之十八 卷之十九 卷之二十 卷之二十一 卷之二十二 卷之二十三 卷之二十四 卷之二十五 卷之二十六 卷之二十七 卷之二十八 卷之二十九 卷之三十 卷之三十一 卷之三十二 卷之三十三 卷之三十四 卷之三十五 卷之三十六 卷之三十七 卷之三十八 卷之三十九 卷之四十 卷之四十一 卷之四十二 卷之四十三 卷之四十四 卷之四十五 卷之四十六 卷之四十七 卷之四十八 卷之四十九 卷之五十 卷之五十一 卷之五十二 卷之五十三 卷之五十四 卷之五十五 卷之五十六 卷之五十七 卷之五十八 卷之五十九 卷之六十 卷之六十一 卷之六十二 卷之六十三 卷之六十四 卷之六十五 卷之六十六 卷之六十七 卷之六十八 卷之六十九 卷之七十 卷之七十一 卷之七十二 卷之七十三 卷之七十四 卷之七十五 卷之七十六 卷之七十七 卷之七十八 卷之七十九 卷之八十 卷之八十一 卷之八十二 卷之八十三 卷之八十四 卷之八十五 卷之八十六 卷之八十七 卷之八十八 卷之八十九 卷之九十 卷之九十一 卷之九十二 卷之九十三 卷之九十四 卷之九十五 卷之九十六 卷之九十七 卷之九十八 卷之九十九 卷之一百

黃學士文集卷一

惟王始建官民命有所司奈何開流萃束手無一施屬者秋夏交上
狀殊酸悲赤日紛披行人馬同時疲連阡見標榜不救飢與羸仍聞
安之賦茲欲無訴既往何由追尙慙嘆思稍緩租稅期云胡有倉
卒欲飲更相隨但將充其數肯復計爾貧肉食不自鄙謂我非敢知
栖栖甌石儲剝割無或遺言是隣壤內藉此敷恩慈寧知是州人俟
死宅無爲出語餘喘息行步須扶持猶令比樂土疾苦端謂誰俛首
州縣間道責自其宜况迫大府令聯絡飛符移豺狼方在郊鷹隼宜

黃學士文集卷一

九步

用時區區獨狐免政爾何增虧吾賤不及議爲君陳苦辭

登錢山望蕺城慨然而賦

吳興水爲州諸山若浮萍況此一培塿瑣屑世未名所欣漁樵居乃
與縹緲井種竹有萬竿結茅無十楹老僧解人意踰履能相迎芳草
被行逕朱藤暗巖肩蕭條空階暮日照每苦青猶嫌所歷卑未極遊
眺情聳身白雲上始見春申城想當高會時樓觀飛青冥竭海薦疊
勺窮山羞鼎鑊安知千載後寂寞無人行煌煌冠蓋區壤壤狐兔常
歸來朱門客聽此松風聲

逸山過姚紫芝別業

逸山誠復佳逸人不可逢何言一笑頃得此蒼髯翁今晨過其廬碧
苔滅行蹤坐我松竹間野藪羅甘豐初無驚世談頗多曠士風念昔
去巖壑輟咩白雲中白雲故無恙我乃羞樊籠祗應山林癖未易藥
石攻高期出解后意氣將無同十年舊泉石忽忽蟠吾胃起視白日
低歸禽亂西東拔地森四壁攬天唯一峰復聞麻谷幽近與金蓋通

山態方屢改泉源殊未窮泐然一區內差我何憊憊

次韻答蔣明府先生

文章不經濟就書或成淫偶從長者遊稍窺古人心不琢豈非王無
紆孰爲琴歲晏燈火微江濶魚龍深願言報嘉貺安得雙南金

次韻答儒公上人

抱琴辭故山落葉破四野淒其不能聲豈日無和者誰誇織女工苦
念婦娥寡請公毋多談呼酒鴈老瓦

和方邵父先生以滿城風雨近重陽爲韻七首

掩書坐中有階空葉落滿不見書中人蒼煙夢秋館
豈不有膏沐所慕非傾城翠袖日已薄曷哉歲寒情
栖遲憐繁瓜夢寐追飛蓬去去羊荊州吳帆渺霜風
當年白衣人賴以慰風雨不飲政復佳有酒無用湑
江瑯亂荔枝勝處終不近好醜且勿爭天道有定分
聾丞遂已矣目斷山千重煙霞故無恙勝會何由逢

黃學士文集卷一

一

寒花衰復榮東籬幾殘陽蟠桃亦何好千年期一嘗

七言古詩

可憐行

紅顏白面可憐子杖藜飢走荒山裏翠眉新婦雪色兒掩袖嬌啼瘦
如鬼道傍朱門照霜戟腸斷汝翁呼不起金魚象笏供樗蒲終
然愁餓死春風秋月哀思多嗟汝少年奈老何

崑崙歌寄吾丘子行

翠鸞啼雲天四垂花龍雙雙神姥歸金仙憶君淚如水昌陽落花青
蕊蕊曾城珠閣揚素氛開明猶猜環九門義和走馬不待人鯨魚吸
海海生塵若有人兮悵修阻紫玉參差老鳳語笑揮如意教雲舞雲
間鶴雛生兩羽歸來歸來勿蹉跎秋風吹折玕琪柯

梓山行贈桑生

昔聞山中采藥翁問姓但指簷前桐君家本以桑爲氏胡不種桑翻
種梓桐君采藥不學醫桑君學醫兼采詩朝來索我歌梓山使我聞

筆頻指顧問君梓樹家何處青山難尋夢中路但見清風兩袖寬詩
筒戢戢多於樹長歌短歌亦奚爲坐看藥籠懸蛛絲種桑種梓俱有
術也應無術醫君痼

采芝曲贈永嘉林道士

碧峰矗起三十六老芝千年琢紅玉帝遣仙人下采芝迷花失石惜
忘歸忘歸幾載無消息蟠桃積核高數尺何日青牛駕爾還肯念金
華牧羊客

登方巖謁赫靈廟却至壽山寺

一峰屹立摩蒼穹四山拱揖如朝宗賞緣飛磴入鳥道獨扶瘦竹披
蒙茸初驚細路踟躕堪見巨石蟠穹窿洞門高開得絕頂直恐上
與丹青通想像胡侯此弦誦草木遺韻猶飄飄前修往矣不可作尙
喜像設餘靈宮登堂謁拜仰風采奕奕華衣盤雙龍白袍方領儼旁
侍英姿颯爽皆人雄或云衆神各有職出納雲雨天無功斬藤絕壁
泣萬鬼飲馬大壑清羣凶初疑此事出怪語粉飾誕誇兒童又疑

黃學士文集卷一

步選慶

靈異古或有荒忽變幻難爲窮咄咄茲茫昧無足問但怪俗子何憧憧
歲時歌舞連數郡奔走童叟多於蠶前阿後殿擬法駕翠華赤羽搖
晴空恭惟英靈本正直倏忽來往無西東胡寧終歲久盤礴縮取備
物華其躬荒哉舊俗豈侯意嗟我欲語愁無從拂衣徑去指巖麓巖
花潤草紛青紅峰迴路轉逢古寺窈窕石室穿玲瓏連崗爭前擁奔
馬飛瀑怒落懸長虹荒尋遠討不易極况迺人事多匆匆向來獨立
渺何許煙霞滅沒山重重却歸溪館弄明月臥聽簫鼓來天風

金華山贈同遊者三十韻

杖藜初出城西門萬株紅樹如雲屯芙蓉峰前問行路宛宛一線隨
潺湲水聲漸遠山漸近弱蘿纖葛手所捫須臾橫側變峰嶺高岸忽
復爲平原細泉澗澗竹竿直石樹駢立疑同根剝金敗碧逢巖剝猶
以第一名其軒天明獨去弔遺迹玉女委蛻空丘墟樓居西起望明
滅石扉呀若山之樊罅幽穴險徑沮洳膝行匍匐不得奔刺觀崖廣
架溲沱雙龍繞雷蟠蜿蜿紛綸怪狀滿巖腹熊虎踞伏鸞鳳驚其餘

瓊緇無不有形求像索難具言前趨林麓却下絕俯矚九地窮涯垠
青枝翠羽不復辨但聽風水聲喧喧高燒松炬度其背珠箔忽墮華
燈繁聳身上出指絕頂碧桐高下彌山園遙穿蓬艾踰雲雨險巖從
此不易論秋毫細路莫容足下瞰不測傍無藩怪藤如鈎草如劍舉
首仰歎愁攀援山翁顧之笑引臂前牽後接猴與猿馳坑跨谷欬側
過背汗喘息逾飽燔陰沈古洞闕星日雖有寒暑無朝昏却行左轉
復深入愈覺慘慄搖心魂珠纓縹緲現滿月稽首大士天人尊拂衣
徑逐飛鳥下青山出沒波濤翻或云漢人隱身處彷彿肩背餘苔痕
蛇蟠磴折又數里龕巖十丈開墉垣夜歸草堂殿突兀坐看雲月吐
復吞怡然攜手盡文士頗覺筆下來源源名山石室如可託幸子歲
晏來無緩

送俞觀光

寒窗讀書吻政悲坐聞剝啄走啟扉衝風踣凍至者誰俞子訪我餘
剡溪相逢把臂語移時婦女驚笑羣兒疑俗物病我不可醫眼明見

黃學士文集卷一

步選慶

此珊瑚枝朝來贈我天馬詩忽然掉頭去莫羈鼻端氣息千虹蜺詎
能折腰向小兒文章枝癢聊爾嬉策勳聖處今毋遲繫我愛子莫助
之臨歧踟躕徒嗟咨

讀清江集

元祐儒臣煥星斗後有作者非其偶二龍三鳳何續紛况乃淵源魯
中叟適從塵編識英爽想見世澤餘忠厚長公平生二三策大廷披
腹驚羣后風流斑斑仲與季茅茨采椽絕丹黜獨追古昔寓陽秋稍
扶疵瑕到瓊玖却蟠餘力歸賦詠古硬清圓無不有爰初人文啟河
洛下逮百氏分戶牖空言可託匪末藝巨筆待援須好手典刑未墮
乃至今吾生已幸何云後青燈照夜雨如綫與論微辭煩擊剖追慕
政復慙捧心贊美胡能付鉗口從遊起死不敢期儻挹殘膏注空朽

題李坦之詩卷

神仙中人世莫識政以文章爲戲劇李生也復可憐人手種蟠桃待
春色山空歲寒誰念汝清楓墮影霜露白遠遊賦成一朝去翠蓋雲

所慕何道達未幾暮秋其知君白鹿無消息神中璣珠三百顆夜
深不覺數龍宅金華之山青嶺天山人看山忘歲年黃精芝草幸可
食安得與子巢其間石牀醉聽松風眠無爲長歌怨如哭使汝惻愴
劉朱顏

甲辰清明日陪諸公入南山拜胡侍郎墓回汎舟湖中作

日終甲子斗直辰持觴追酌胡侯墳兩槩趁鷗背城闌四十有四同
州人半爲吳語如李真湖窮岸出水陸分舍舟登途指嶠岫少年健
走黃犢奔或乃嚙道驚春雲老翁兩足仍後座解衣徑眠草爲茵前
趨一里趨廟門杖藜不得辭微辛嚴祠高居絕四隣傍爲一丘標石
麟升階鞠躬盥藻蘋拜興有相祝有文亦或稽首稱諸孫歸途探幽
挾荒榛下睨塵土多蟲蠹放舟催發無遠巡勝賞莫許窮涯垠開蓬
列坐羅廬重託名鄉飲無主賓誰欺解事強討論欲以窮達爲卑尊
美人今代王右軍口吐秀句天葩芬厲行拱立何紛紛爭言我公詩
絕倫龐眉被褐兩山民閉目宴坐方申申艤舟黑亭鵝噪皆晴楊吹
黃學士文集卷一

送傅主簿

花灑衣巾裁詩紀實聊云云慎勿浪傳來怒嘆
吾聞上古之士北屋皆可封有材不必登王公可憐衛青日尊貴飛
將自老風塵中傅公平生經濟手却抱一經今白首隨人騎馬著青
衫爽氣如虹射牛斗出門大笑望長安長安萬里行路難行路難知
奈何贈公一杯酒請君聽我歌崑崙之山兮高巍巍黃河之水兮清
有時洛陽少年休太息東山謝公來未遲燕昭之事不足云陛下聖
德如華助願公功成名遂身早退魯連小兒能笑人

若溪風雨中章德茂同汎

黑風翻江白雨傾檣欹桅側斷人行此時唯我與章子孤舟蕩漾煙
波裏蒹葭蒼蒼楊柳黃浩歌擊舷興彌長翩然一葉志歌舞青山白
塔頻低昂朝過城南莫城北舟人問我將誰適章子掉頭作吳語秋
水夜來深幾尺忽看大字標竹林寺門對水仍陰陰敲門見竹不見
人竹間翠石何蕭森迴舟少休雨如注四顧冥茫但煙霧魚驚龍躍

吾不知披蓑却入菰蒲去岸傍羣兒拍手呼笑言狂客世所無嗚呼
古人今則無後來視我知何如爲君留此有聲畫題作扁舟煙雨圖
由若溪出太湖抵陽美十四韻

首陽山人餓至死陶公乃爲飢所驅大賢出處自有意腐鼠何得疑
鷓鴣誰初令我墮世網久抱礫柯行崎嶇今晨笑與親友別煙波決
滌扁舟孤穹天大澤合爲一回晚人境茫如無向來蟻聚安足戀而
取筭束同囚拘募投高館燈閃閃坐談姬孔歌黃虞是問幸可容一
息孰與臣朔肩侏儒汗顏俛首飽腥腐啗子所樂非我娛故人殷勤
入我夢云我作計陋且愚此生通塞久自斷豈愛一勺忘江湖春風
二月花敞野珊瑚玉樹惟空林丈夫兒女各有事爲君起坐生長吁
次韻子踐雪中見寄

前年江南雪一尺腐儒共走誇三白寧知有客卧欲僵凍骨凌層撐
鐵石今年復此雪塞門江湖無處浮吾樽野風蕭蕭日色死看人射
虎蒼山根牛衣覆寒夜復夜金玉餘音慙慰藉平生萬卷定安施一
黃學士文集卷一

紙送我當渠借

金華黃先生文集卷第一

金華先生文集卷第二

初葉二

續金華叢書

五言律詩

臨川危素編次

番易劉耳校正

寄方韶父先生

牢落江南賦知音寄渺茫鹿麋行處有芝草夢中香遙興滄浪瀾悲歌白髮長平生今古淚滴破綠蘿裳

雨二首

兀坐九十日雨聲殊未休花時翻益睡茅屋不禁愁生事吾何望春寒晚故留江波青滿眼萬里付雙鷗
泥濘今如此出門知路難蓬蒿春日長桃李夢曾看未覺龍公倦誰憐燕子寒青燈耿蕭瑟千載入憂端

雪

急雪下不止朔風終夜鳴飢蟲應蚤蟄老鴈故南征生理真何計沈吟獨此情山中歲酒熟不飲竟須傾

送友人

黃學士文集卷二

夢還

鄉路三百里獨歸衣正單涼風柴洲水斜月白沙灘燈火期方遠關山歲欲闌倚門應望汝莫漫駐征鞍

寄友人

憐君山水意局促守柴扉故國悲秋草涼風滿褐衣滄洲斜日晚白社幾人歸寂寞分遙念天寒木葉稀

秋懷五首

天末雲猶去山中歲欲徂周流吾道在嘆息古人無野鵲疑秋樹新駒怯眼途蒼茫念同志微薄忝爲儒
對酒高天豁登樓落日曛亂蟬悲暮葉老雁赴長雲落拓愁中散栖遲鄭廣文身名竟如此碌碌竟何云
稍稍秋河落娟娟宿露微天清江不息野迴樹相依回首狂歌數經心昨夢非流螢無思極巧入絳帷飛
仰古嗟無及關情極可哀爾生才見已賈傳直爲災世肯憐樗櫟吾曾悔草萊小詩聊戲爾何乃併生猜

風雨仍搖落江山且滯留懶從生事拙閑惜壯心休弱莫驚欹石空棧臥流與懷到微物世故劇悠悠

柴荆

赤日薄烏帽柴荆無定棲可能詩似錦乍取醉如泥薄葉蕪蕪艇深衣逐馬踏蕭條江海興芳草故萋萋

憑軒

信有儒冠誤憑軒意欲迷山深風雨惡天濶羽毛低他日開炎瘴連城送鼓聲荷鋤吾媿爾未敢歎塗泥

風雨

風雨忽如此閉門方晝眠故應爲計拙可復要人憐燈火羌村路桑麻杜曲田悠悠今視昔把卷一茫然

抱琴

三尺枯桐樹相隨年歲深此行端有意何處託知音隱隱青山夜寥寥太古心空携水仙曲更向海中吟

黃學士文集卷二

夢還

山中懷友七首

大府趨羣彥修才復壯齡波瀾開白晝羽翼動青冥弱質悲殊調明時敢獨醒未妨茅屋底寂寞抱遺經
望遠空山裏天寒夕夢孤林昏行魍魎江晚變靡蕪風雨憐同病塵沙感壯圖向來懷古意迴首未能無
疎放誰容我交遊重得君論文輕咳唾問俗到耕耘一笑能青眼相思有白雲春風動閭巷還往謾紛紛
何事虛齋裏猶分苜蓿盤高林容便蹇衆翼避扶搖黑夜文星動青天劍氣寒終南山正好那得悔儒冠
自是麒麟種卑栖又幾年故廬南雪下短褐北風前歲暮山林瘦天高雨露偏肯同兒女輩俛仰事春妍
卓犖恆山秀相逢幾抱琴五年風雨別四海弟兄心雪外梅花遠山中桂樹深定知嵇叔夜高興滿雲林
洛社推年少清才照士林春風何處客芳草獨行深遠墨收秦刻新

吟學楚音別離無一字目斷白雲岑

悼雙林栗上人

飛錫徧諸方栖身復故鄉年隨雙樹老人與一琴亡暗草迷春塔礙
塵鎖夜堂瀟瀟今日雨誰炷影前香

社日重過方子踐

東風吹客衣長憶見君時一別驚雲散重來與燕期春深今雨夕花
老去年枝莫待空山裏青燈有所思

問子踐卧病

吾子仍多病何人共解頰水聲和藥臼春色閉松關積雨連三月懷
人劇萬山同遊況零落浩蕩可追攀

和吳贊府齋居十詠

焦桐

憐爾抱奇質無香亦自焚材高初偶得音苦竟誰聞天海空遺操冰
霜見裂紋中厨方煮鶴終得舍夫君

黃學士文集卷二

蠶簡

六籍灰寒久名山餘舊藏漆痕微有字芸草寂無香後死嗟猶及斯
文豈遽亡世方珍貝葉掩卷一淒涼

破硯

巨璞何年鑿磨穿偶至今線紋虛綠潤雨氣失玄陰瓦礫看無異塵
埃積轉深明光幾携人往事復何心

殘畫

勝境不可得微綃餘舊圖丹青初彷彿塵土半模糊蚊蝶飛疑去波
濤圻漸無良工今豈有爲爾一長吁

舊劍

憶啟蛟龍匣提携徑出門紅塵走馬處白日報人恩歲月銅花澁雲
煙斗氣昏淒涼中夜舞回首暗銷魂

塵鏡

古鏡色如墨千年獨此留玉臺蟲網暗珠匣土華浮莫笑塵埃滿曾

令鬼魅愁盤龍驚已化雲雨夢悠悠

廢榮

不解照珠翠早同文字盟何言中路棄無復向人明雨宿高齋夢秋
吟廢館情相看幾今夕及此慨平生

敗裘

襲爾亦已久霜風兩袖穿甘從稚子笑未受故人憐雅製餘前古深
期在暮年素絲今化盡念汝獨依然

斷碑

零落秋風卧何年廢廟碑圖經愁莫載耆舊說頻移野燒龜趺失荒
苔鳥跡疑遙知千載後拂拭轉堪悲

卧鐘

龍簾久摧折沈埋奈爾何畔民誰睥睨野衲白摩挲雅奏多年歌銘
文幾字訛斜陽荆棘裏長伴舊銅駝

吳贊府挽詩三首

黃學士文集卷二

鶴去愁滄海鴻飛困朔風冥冥方獨往已已竟長終莫挂還鄉劍與
隨脈世弓向來曾慟哭不是爲途窮

百代龍川子風流見外孫餘生唯白帽舊業自青門浩蕩期千載蒼
茫哭九原仙華雲縹渺愁絕刻舟痕

懷古餘哀思憐君尙典刑清談無俗子白髮死遺經客社荒春沙鄉
山隕夜星夕陽隣舍笛淒切可堪聽

過謝阜羽墓

識子今無日風流可復尋山林餘楚製弟子解閩音滄海宅年夢青
天後夜心平生匣中劍零落遂如今

元日卽事

回首人頻異興懷誰與同塵埃欺白苧歲月入青銅雨急蒼茫外春
生浩蕩中長憐故園樹一一受東風

八詠樓

懷古荒碑在登樓晚望餘秋陰垂野薄江勢抱城斜天地悲遊子冰

霜威歲華紅塵吹袂歸興及清笳

明月樓

遺堞何年有飛臺歷上頭鼓聲分大幕香火望靈湫曲岸舟如失遙沙樹欲浮登臨且吾土未敢恨淹留

溪南卽事

莽莽長川去行行薄暮時山光連睥睨寒色入旌旗夕鳥歸飛急風帆送上遲世情關物理俛仰寄長思

含香道中

殘日亭猶遠輕風帽易斜稍畦低沒鶴草徑曲行蛇經世知無策謀生會有涯殷勤理黃菊留眼待秋花

懷楊仲弘

離別驚如雨踉蹌後塵祇今才有數多爾術能神玉唾春風濕煙霄碧樹新謬推吏事吾敢望平津

八詠樓遇方子踐

黃學士文集卷二

五

風雨三年別登臨一笑同綠莎垂古井碧瓦映疎桐世故違高枕吾生劇轉蓬相逢感嘆昔出處愧匆匆

杭州寄子踐

尊酒何人共春光著處同乾坤容野馬歲月失飛鴻俗眼能無白風花故自紅向來常處士早已負諸公

次韻答子踐

不謂飛霞珮珊珊然寂寞資相看今夕雨漸近長年人往事驚如夢何峰擬卜隣平生千里駕還往得辭頻

劉聲之爐亭夜話

儒冠寧誤我壯志自多違昭代尊經術先生尚布衣清言今夕共大隱昔人稀預恐蒼山麓無從候少微

雨三首

湖濶雲如積天空雨正豪風颭兼晝夜井邑帶波濤茅屋垂垂破漁舟故故高何妨張仲蔚環堵自蓬蒿

癡子吾憐汝泥行去不難凭欄真自笑高枕敢求安天地三辰遠江湖五月寒好將遮日手却把釣魚竿
田父愁何訴龍公怒未休千畦沈翠羽百水散黃流小市猶長閉孤城併欲浮誰誇補天漏此事恐悠悠

金陵客舍漫書

不疑天容佩終然挂寂寥百年多事始千里一身遙巢燕驚華屋講鷹望赤霄蒼蒼叢桂樹愁絕小山招

陪仇仁父先生登石頭城

談笑逢諸老登臨失故亭薄遊成汗漫高步覺玲峴水通吳白淮山入楚青平生一杯酒及此慰飄零

春日郊行雜興三首

忽忽時頻異垂垂花正繁登臨聊極目出處可忘言風急江光亂春濃野色昏舊遊嗟契濶覽物思空存

五畝清江曲爲農計未疎那無經世策宜付絕交書野笛吹頻歇漁

黃學士文集卷二

六

舟去若虛卜居能有待天地本吾廬

高興真誰共佳晨祇屢經天明風細細花遶樹冥冥勝事今非昔狂歌醉欲醒終南飛鳥外一髮向來青

次韻答友人

十載論文地才皆第一豪江湖嗟契濶風雨夢蕭騷趨走知無力標題敢自高期君養翎羽一擊可徒勞

九日登石頭城

背郭巖塵遠高秋川嶽清幽懷初曠蕩陳迹故縱橫遙望龍盤舊長憐蟻穴爭紺園隨處開粉堞向來傾發草窺晉井看碑驗故壘門開蒼耳路亭愛翠微名遠樹淮南出滄江鳥外明人煙川浩渺風物歲崢嶸吹帽仍佳節傳觴但老兵愚生雜蛙黷浪走媿瑣珣去去檣帆盡蕭蕭蘆葦鳴登高未成賦覽古獨含情政復哀王粲何堪厭福衡敝廬滄海曲目斷白雲生

寄李生

有美維仙李孤標見碧梧高門留雨露短褐混泥塗姿悍寧爲小機
深或類愚沈心須具葉游藝及構補政爾難藏穎然獨抱竿從容
觀近效僂僂事羣趨稍廢琴心曲能操履背書誰將窮周象莫使避
珊瑚它日逢何暮清談動至酬醉醒勞問我喜怒得令渠梁潤江湖
迴飄零歲月徂青雲悲提徑白日仰亨衢秋社粉榆外南包桶柏初
飛騰如借順能勿笑蟾蜍

七言律詩

送孫君文判官丈歸桐廬

笑語匆匆似夢中衣裳俄復判西風殘蟬落日那堪別瘦馬長途喜
未窮歲事已空南畝稼歸期應老故山桐興來尙有平生棹載酒何
時覓釣翁

感舊

華屋山丘不可期峴山依舊綠參差空懷下榻延徐孺無復乘舟訪
戴逵日暮更聞隣舍笛歲寒賴有角弓詩舊遊寂寞成今古冷石秋

黃學士文集卷二

七
夢
選
虞

花處處悲

鳳凰山

滄海桑田事渺茫行逢遺老色淒涼爲言故國遊麋鹿漫指空山號
鳳凰春盡綠莎迷輦道雨多蒼薺上宮牆遙知汴水東流畔更有平
蕪與夕陽

開元宮

誰使藏舟一夕移紅樓翠幙未全非曾聞帝子乘鸞去疑有仙人跨
鶴歸煙徑月明瑤草歇石壇露冷碧桃稀赤欄橋畔多時立閑看楊
花作雪飛

早起

漠漠晴簷散薄雲獨搔短髮立清晨春風入樹無行迹曉月窺簾欲
近人旋覺新吟隨夢寐不知清霧濕衣巾何人正踏長安陌想見看
花拂面塵

九日

獨立憑高發興新霜清露白復佳辰綠尊照眼不解醉黃花滿頭應
笑人樓邊老僧幽期失巖南故人新句頻秋天此日併回首鴻雁寄
書愁未因

次韻山南先生遺興二首

稍覺春風入剪裁更無魂夢到塵埃苔枝自送黃昏影寶篆頻消白
書灰世態漸應隨日別老懷可復向人開擁爐坐聽蕭蕭雪載酒携
琴也莫來

蒲團兀坐久忘機何暇重尋是與非老鴈長雲天渺渺晚花寒蝶思
依依起看丹竈春無恙欲試青鞋雪未晞鵬鷃逍遙端可耳玉堂何
必魏柴扉

寄仇仁父先生

一官十載尙沈淪門巷蕭蕭白屋貧自有陶公爲社友從呼杜老作
詩人兒曹故復輕前輩偶步誰當出後塵招隱詩成無處寄莫雲疑
碧坐愁神

黃學士文集卷二

人
夢
選
虞

寄朱十八丈判官

金勝淒涼四十年風流文采故依然香山老去誰同社栗里歸來尙
有田懷古坐看西日落得春寧問北枝偏清泉白石多深趣千載心
期入近篇

寄仲山

吳縣關心朔鴈飛酒燈棋雨計頻違寄書全覺嵇康懶入夢多疑李
白非黃葉閑門方寂寂碧雲迴首故依依相逢賴有梅花約試踟春
風走翠微

寄友人

繫舟一別雲水鄉暮川霞空蒼蒼漳濱卧病宅年憶渭北題詩春
日長蕪菁作花已爛熳楊柳飛絮苦頭狂聞道茯苓已堪馴遲子青
鞋經澗崗

夏日漫書

枕上初殘栢子香鳥聲簾外已斜陽碧山過雨晴逾好綠樹無風晚

自涼芳歲背人成
荏苒好詩和夢落
蒼茫求羊何不來
三徑門掩殘書滿
石牀

逢葉伯機

水煙沙雨送歸航
楓葉蘆花已十霜
瑤曲天風春夢遠
墨池秋草故游荒
碧峰又是新迴雁
白石依然舊化羊
一笑相逢却成別
暮雲千里思茫茫

宿賈氏山房

暝色蒼茫赴遠岑
獨追燈火下荒潯
寒沙細雨通幽徑
修竹高楠走翠陰
芳草悲歡中夜語
悠悠醒醉百年心
石霜煙月寒無寐
坐聽疎鐘出二林

送友人之京

偶緣送遠接清遊
煙雨東城晚樹幽
離別自應多感慨
笑談未害各風流
百年芳草頻頻合
萬事孤雲故故浮
太華黃河入回首
春風愁絕李膺舟

黃學士文集卷二

答友人

芝掌峰前一杯酒
別離歲晚遞相望
野梅如雪遙入眼
曉鴈連天寒叫霜
閉門窮巷燈火冷
回首蒼山雲樹長
幾時抱被却同宿
愧爾詩筒遠送將

憶友人

無復高談慰索居
壯心零落竟何如
人間漫有金臺夢
身後誰傳玉枕書
半畝蒼苔埋壁地
一聲白雪斷絃初
芙蓉峰下聞吹笛
淚滴春天草木疎

哭李無逸

青春未受二毛侵
談笑俄聞變古今
千日却醒徒有望
九原莫作竟何心
平生欠荷劉伶鍾
此夜誰彈子敬琴
水樂亭西煙草碧
舊游回首重沾襟

過烏傷墓

丹青像設始何年
翁仲遺墟自古傳
時有北人來下馬
不知秦樹幾

啼鵲收童解指看
碑路野衲春耕祭
墓田回首長安西
日外茂陵松栢正蒼煙

雜興三首

昔從六客堂前客
共買何山渡口船
杉松夾道得古寺
風雨漫山連杜鵑
憶別老僧如昨日
待分幽事及它年
春江正綠不能去
勝踐蕭條祇自憐

幾回擬作送春詩
出戶春風去不知
葉底孤花猶入眼
竹根稚筍欲過眉
久拋書卷都如夢
閒看香煙偶似癡
寄語平生張仲蔚
一歡相屬竟何期

劉生去滌相如器
朱子新裁賈誼書
百代風流今視昔
十年懷抱我憐渠
故應會對談諧樂
也復能容禮法疎
風雨蕭蕭守環堵
祇今可望故人車

寄陳君采

江淹文采碧雲消
潘岳才華玉樹凋
後爾千年開健鑰
森然作者見風標
琪花夕日輝相並
金匱名山路未遙
賸欲傾心數還往
高期無使竟蕭條

黃學士文集卷二

次韻答吳正傳

諸老凋零半九原
後來英發見蒼然
高標寧復居人下
緩步猶須出我前
天馬爲誰生月窟
仙禽有日到芝田
論心待取同傾蓋
可使空週雪夜船

寄葉審言

千里相思黃葉初
喜傳消息慰離居
姓名漫入山公啟
懷袖元無買誼書
已分耕耘供賦歛
胡令汲引到樵漁
臨歧躑躅頻回首
風雨蕭蕭鴈正疎

獨立

數盡飛花一愴然
壯心迢遞夕雲邊
十年人事空流水
二月風光已杜鵑
過眼青春寧復得
汚人黃土絕堪憐
故園尚有平生約
可使蒼苔到石田